

# OFFICIUM<sup>4</sup>

## S. VENANTII

### MARTYRIS.

#### SEMIDUPLEX.

A Sacra Rituum Congregatione recognitum, & approbatum:  
de mandato S. D. N. CLEMENTIS Diuina Dispositione  
Papæ X. in Breuiario Romano apponendum: & ab omni-  
bus vtriusque sexus Christi fidelibus, qui ad Horas Cano-  
nicas tenentur, recitandum de præcepto die XVIII. Maii.

DIE XVIII. MAII.

In festo S. Venantij martyris.

Semiduplex.

Omnia de Communi vnius  
Martyris tempore Paschali,  
præter Hymnos ad Vesperas,  
Matutinum, & Laudes, Ora-  
tionem, & Lectiones secundi  
Nocturni.

Ad Vesperas, Hymnus.

**M**artyr Dei Venantius,  
Lux & decus Camer-  
tium,

Tortore victo, & iudice  
Lætus triumphum concinit.

Annis puer, post vincula,  
Post carceres, post verbera,  
Longa fame fremetibus  
Cibus datur leonibus.

Sed eius innocentie  
Parcit leonum immanitas,  
Pedesque lambunt martyr, is,  
Irae famisque immemores.

Verſo deorſum vertice  
Haurire fumum cogitur:

Costas vtrunque & viscera,  
Succensa lampas vſtulat.

Sit laus Patri, sit Filio,  
Tibi que sancte Spiritus:

Da per preces Venantij  
Beata nobis gaudia. Amen.

Oratio.

**D**eus, qui hunc diem  
beati Venantij mar-  
tyris tui triumpho  
consecraſti: exaudi preces po-  
puli tui, & præſta; vt qui eius  
merita veneramur, fidei con-  
ſtantiam imitemur. Per Do-  
minum noſtrum Ieſum Chri-  
ſtum Filium tuum.

Ad Matutinum, Hymnus.

**A**thleta Christi nobilis  
Idola damnat Gentium,  
Deique amore saucius  
Vitæ pericla despicit.

Loris reuinctus asperis  
E rupe præceps voluitur:  
Spineta vultum lancinant:  
Per faxa corpus ſcinditur.

Officium sancti Venantij martyris.

Dum membra raptant mar-  
tyris,

Languent siti satellites:  
Signo Crucis Venantius  
E rupe fontes elicit.

Bellator ô fortissime,  
Qui perfidis tortoribus  
E caute præbes poculum,  
Nos rore gratiæ irriga.

Sit laus Patri, sit Filio,  
Tibi que sancte Spiritus:  
Da per preces Venantij  
Beata nobis gaudia. Amen.

In secundo Nocturno.

Lectio iiii.



VENANTIVS Ca-  
mers quindecim annos na-  
tus, cum Chri-  
stianæ Religio-  
nis accusaretur apud Antio-  
chum, qui sub Decio Impe-  
ratore Camerino præerat, in  
porta ciuitatis Præsidi se ob-  
tulit: quem ille pollicitatio-  
nibus ac terroribus diu tenta-  
tum flagris cædi, & vinculis  
astringi iussit: sed iis mirabili-  
ter ab Angelo solutus, lam-  
padibus postea aduritur, at-  
que inuerso ore fumo suppo-  
sito suspenditur. Eius con-  
stantiam in tormentis demir-  
ratus Anastasius Cornicula-  
rius; & quod eum ab Angelo  
iterum solutum candida ve-  
ste supra fumum ambulan-  
tem vidisset, in Christum cre-  
didit, & à beato Porphyrio  
Presbytero cum familia ba-

ptizatus, paulò post martyrij  
palmam cum eodem pro-  
meruit.

Tempore Paschali, *℞.* Lux  
perpetua.

Extra tempus Paschale,  
*℞.* Honestum fecit.

Lectio v.

AT Venantius Præsidi  
sustititur, & ab eo iterum  
frustrà tentatus vt Christi  
fidem desereret, in carcerem  
conijcitur: quò Attalus Præco  
mittitur, qui ei dicat, se quo-  
que Christianum fuisse, & ei  
nomini propterea renuntial-  
se, quòd cognouisset, inane  
esse fidei commentum, quo  
Christiani præsentibus se ab-  
dicant ob vanam futurorum  
spem. Verum nobilis Christi  
athleta callidi hostis insidias  
non ignorans, diaboli mini-  
strum à se penitus reiecit.  
Quare ad Præsidem iterum  
adducto omnes contusi sunt  
dentes, maxillæ que confractæ;  
atque ita cæsus, in ster-  
quilinum deijcitur. Sed inde  
ab Angelo quoque ereptus,  
rursus stetit ante iudicem: qui,  
Venantio adhuc loquente, è  
tribunali cecidit, & in ea voce,  
Verus est Venantij Deus, no-  
stros deos destruite, excla-  
mans expirauit.

Tempore Paschali, *℞.* In  
seruis suis.

Extra tempus Paschale,  
*℞.* Desiderium.

Lectio

Lectio vi.

**Q**UOD cum Præsidi nuntiatum esset, extemplo Venantium leonibus obijci iussit; qui naturali feritate omissa, ad eius se pedes abiecerunt: interim ille populum Christi fidem edocebat. Quare inde amotus, iterum in carcerem traditur. Cumque postmodum Præsidi referret Porphyrius, se per visum noctu populos, quos Venantius aqua tingebat, clarissima luce fulgentes, ipsum verò Præsidem obscurissima caligine operum vidisse, Præsides ira incensus, cum illic capite plecti imperat: deinde Venantium per loca vepribus & carduis confita trahi usque ad vesperam. Is cum semianimis relictus esset, manè se iterum Præsidi presentavit; cuius iussu statim è rupe præcipitatur: sed inde etiam diuinitus ereptus, denuò per loca aspera ad mille passus trahitur: ubi militibus siti æstuantibus, in proxima conualle, ex lapide, in quo & genuum formam reliquit, sicut etiam nunc in eius Ecclesia videre licet, Crucis signo à Venantio factò, aquæ manarunt. Eo miraculo plures permoti, in Christum crediderunt, quos omnes Præsides eò loci vnà cum Venantio capite feriri iussit: Fulgura & terræmotus eo tempore ita

magni fuere, vt Præsides auferret: qui paucis tamen post diebus diuinam haud valens effugere iustitiam, turpissimam mortem oppetit. Christiani interim Venantij & aliorum corpora honorifico loco sepelierunt, quæ Camerini in Ecclesia Venantio dicata condita adhuc sunt.

Tempore Paschali, *Rz.* Filiæ Ierusalem.

Extra tempus Paschale, *Rz.* Stola iucunditatis.

In tertio Nocturno, *Homilia S. Augustini Episcopi in Euangelium, Ego sum vitis vera. vt in Communi Martyrum tempore Paschali.*

Si autem celebretur extra tempus Paschale, omnia dicuntur vt in Communi vnus Martyris extra tempus Paschale, præter supradicta: & in tertio Nocturno, *Homilia S. Gregorij Papæ in Euangelium, Si quis venit ad me. vt in Communi vnus Martyris extra tempus Paschale.*

Ad Laudes, *Hymnus.*

**D**VM nocte pulsâ lucifer Diem propinquâ nuntiat, Nobis refert Venantius Lucis beatæ munera.

Nam criminum caliginem, Seygisque noctem depulit: Veroque ciues lumine Diuinitatis imbuat.

A quis sacri baptismatis Lustrauit ille patriam:

Quos



Officium sancti Venantij martyris.

Quos tinxit vnda milites,  
In astra misit martyres.

**N**unc Angelorum particeps  
Adesto votis supplicum:  
Procul repelle crimina,  
Tuumque lumen ingere.  
**S**it laus Patri, sit Filio,  
Tibi que sancte Spiritus:  
Da per preces Venantij  
Beata nobis gaudia. Amen.

Missæ, **P**roterexisti me Deus.  
vt in Communi Martyrum  
tempore Paschali. Orat. **D**eus,  
qui hunc diem. vt supra.

Secreta.

**H**anc oblationem omni-  
potens Deus beati Ve-  
nantij merita tibi reddant ac-

ceptam ; vt ipsius subsidijs  
adiuti, gloriæ eius consortes  
efficiamur. Per Dominum.

Postcommunio.

**S**umpsimus, Domine, eter-  
næ vitæ Sacramenta, te  
humiliter deprecantes, vt  
beato Venantio martyre tuo  
pro nobis deprecante, veniam  
nobis concilient & gratiam.  
Per Dominum nostrum.

**S**i autem celebretur extra  
tempus Paschale, Missa, **I**n  
virtute tua Domine. vt in  
Communi vnus Mart. non  
Pontificis. Orationes vt supra.  
& Euangelium, **S**i quis venit  
ad me. vt in Communi Mar-  
tyris Pontificis.

**S**acrorum Rituum Congregatio, etiam adnuente **S**an-  
ctissimo, supradicta omnia nempe Hymnos, Orationes,  
& Lectiones proprias sancti Venantij Martyris, cum eius  
Officio sub Ritu Semiduplici de precepto recitandi die  
XVIII. Maij ab omnibus vtriusque sexus, tam secularibus  
quam regularibus, qui ad Horas Canonicas tenentur, &  
in Calendario Breuiarij & Missalis Romani apponenda,  
reuisa per Eminentissimum Dominum Cardinalem Bona,  
& per eundem in eadem Sacra Congregatione relata, ap-  
probauit, ac imprimi posse concessit. Hac die VIII. Nouem-  
bris M.DC.LXX.

M. Episc. Portuensis Card. Ginettus.

Loco ✠ Sigilli.

Bernardinus Casalini S. Rit. Congregationis Secret.